

Informacije o programu Omladinsko obrazovanje

Seminari koje organizira Fondacija SHL osmišljeni su kako bi motivirali mlade na društveni angažman, izgradili njihove kapacitete, te unaprijedili stečene kompetencije i vještine. Seminari su podijeljeni prema potrebama mladih ljudi (starosne dobi od 14 do 30 godina), ovisno o njihovom prijašnjem angažmanu.

Svi seminari se održavaju u Trening centru SHL House u Sarajevskom naselju Stup.

Online aplikaciju za seminar možeš popuniti i poslati u bilo koje doba godine, a konkretni termini održavanja seminara će biti blagovremeno objavljeni na www.shl.ba i na našoj facebook grupi Schüler Helfen Leben BiH. Budući da je broj učesnika na seminarima ograničen na po 15 osoba, SHL Team će za svaki od seminara vršiti odabir najkvalitetnijih aplikacija i ukoliko budeš primljen/a za učešće na nekom od seminara, mi ćemo te kontaktirati telefonom i e-mailom najkasnije sedam dana prije početka seminara.

Odgovorajući na navedena pitanja za pojedini tip seminara pronaći ćeš adekvatan seminar namijenjen upravo tebi!

„Stand Up Seminar“:

- Nezadovoljan/a si odnosom društva prema tebi kao mladoj osobi?
- Dosta ti je tapkanja u mjestu i šuplje priče?
- Ne plašiš se odgovornosti?
- Htio/la bi uraditi nešto cool i društveno korisno o čemu će svi pričati?
- Želiš steći praktična znanja koja će ti biti od velike koristi u tvom angažmanu?
- Ne mrzi te provesti vikend u Sarajevu?

Mladima bez iskustva u društvenom angažmanu koji imaju od 14 do 18 godina, namijenjen je Stand Up Seminar, koji nudi tri dana interaktivnog učenja i upoznavanja sa osnovnim znanjima o aktivizmu, volonterstvu i mogućnostima angažmana. Konkretni primjeri aktivističkih akcija i dobre prakse naših aktivista/kinja, kao i trenera/ica, našim sudionicima nude potrebnu inspiraciju, motivaciju i znanja, koji ih ohrabruju da učine svoje prve korake u društvenom angažmanu.

Omladinsko
OBRAZOVANJE

„Move On Seminar“:

- Prepoznaješ se u riječi „volonter/ka“?
- Aktivan/a si u nekoj NVO ili neformalnoj grupi?
- Učestvovao/la si u realizaciji ili si vodio/la neki projekat za mlade?
- Htio/la bi se značajnije angažovati na pitanjima od interesa za mlade?
- Želiš steći praktična znanja koja će ti biti od velike koristi u tvom angažmanu?
- Ne mrzi te provesti vikend u Sarajevu?

Move On Seminar namijenjen je mladima od 16 do 21 godine, koji imaju iskustva u društvenom angažmanu, a žele se dodatno educirati za rješavanje složenijih problema u lokalnim zajednicama kroz javno zagovaranje, te suradnju s vlastima i drugim interesnim grupama. Na ovom seminaru sudionici imaju priliku razgovarati s aktivistima/kinjama koji su vodili neke od najvećih zagovaračkih kampanja u Bosni i Hercegovini, te učiti iz njihovih primjera i dobrih praksi.

„Power Up Seminar“:

- Omladinski aktivizam je dio tvojih svakodnevnih aktivnosti?
- Intenzivno si angažovan/a na projektima koji donose korist mladima?
- Htio/la bi učiniti organizaciju u kojoj radiš još profesionalnijom i stabilnijom?
- U budućnosti se vidiš kao NVO profesionalac?
- Želiš steći praktična znanja koja će ti biti od velike koristi u tvom angažmanu?
- Ne mrzi te provesti 7 dana u Sarajevu?

Naš najveći i najzahtjevniji seminar Power Up Seminar, namijenjen je mladima koji intenzivno rade u nevladinim organizacijama u Bosni i Hercegovini. Cilj seminara jest sudionike ojačati kao mlade lidere/ke, te povećati njihove kompetencije, vještine i znanja kao profesionalnih radnika/ica u nevladinom sektoru. Kroz kombinaciju teorijskog i praktičnog pristupa učenju, sudionici ne samo da će steći znanja i vještine potrebna za napredovanje, već će dobiti i priliku da se umreže sa profesionalcima iz čitave Bosne i Hercegovine.

Sve troškove sudjelovanja na seminarima (smještaj, hranu i putne troškove) snosi Fondacija Schüler Helfen Leben. Termine pojedinih seminara možete pronaći na Kalendaru SHL Kuće, našeg trening centra u Sarajevu, gdje se i održavaju svi navedeni seminari. Popunjenu prijavnicu pošaljite na mail seminari@shl.ba. Za sva dodatna pitanja i informacije slobodno nas kontaktirajte putem mail adrese, ili na broj telefona 033 733 000.

Omladinsko
OBRAZOVANJE